

Kerstmis

*Heb wie as means — of wil wie t nich wetn —
de zoarg vuur n aander nich vaak vergetn,
en dachn wie in oons leawn
alleen mer an oons eagn?*

*Heb wie der oons dan wa's ooit um bekommerd
dat der nog heel vól leu zint die verhongert,
of sloa wie dat ammaol in de weend?
Maakt de welvaart oons nich bleend?
Oorlog en haat is zoo gewoon de laatste tiedn.....
Woarum toch möt de leu zich zoo bestriedn
en is t onrecht nog zoo groot
dat meanske stearft n marteldood.
Vuur heelvól is t altied nacht,
vaak veroorzaakt duur geald en macht.*

*Ik wol hier alleen dit mer met zegn:
loatt wie die leu toch ok n strälke lech metbrengn.
Wie zölt t vast en zeker dan wa mearkn
dat t Lech van Kerstmis nog better op oons in zal wearkn.*

Herman Engbers